

# სასასლოსი

## გაზეთი

**რედაქციისათვის**

დასაბეჭდად გამოგზავნილი წერილები უნდა იყოს გარკვევით დაწერილი და ავტორის მიერ ხელ-მოწერილი მისივე ადრესით.

**გაზეთის ფასი:**

**ცალკე ნომერი ყველგან 2 კაპ.**

**წლის დამკვეთად 75 კაპ.**

განცხადების ფასი: ჩვეულებრივი სტრიქონი ტექსტის წინ 20 კაპ., ტექსტის შემდეგ 10 კ., ტექსტის შუა 40 კ. სამგლოვიარო განცხადება თითოჯერ 2 მან. უმუშევართვის ამ ფასების ნახევარი.

რედაქციის ადრესი: ტფილისი, სტაჰვა 3უ. ტენბერგისა, ოლგისა და სლვპოვის ქუჩების კუთხე.

სუთუაბათი, 29 ოქტომბერი 1909 წ. სუთუაბათი, 29 ოქტომბერი

**ქართული თეატრი**

სუთუაბათს, 29 ოქტომბერს, 1909 წ.

ქართულ დრამატ. საზოგადოების დასის მიერ წარმოდგენილი იქნება:

**ზორეკა**: დ. ახალი ზეისა ჭყერმანისა.

---

**ნიკეის დალუკვა**

დრამა 4 მოქმედებად თარგ. დ. მესხისა.

მონაწილეობას იღებს მთელი დასი.

ადგილების ფასი: ჩვეულებრივია.

დასაწყისი სწორედ საღამოს 8 საათზედ.

ზორიგი რეჟისორი კ. მესხი. რეჟ. თან.გ. ურუშაძე.

დრამ. საზოგადოების ადმინისტრაცია.

**გაიხსნა ტფილისის კერძო ახალი სამკურნალო**

30 მუდმივი საწოლით და საფრთხილო განყოფილებით.

ქსენიას ქუჩა, სახლი № 7, „ვეტცელის“ სასტუმროს ახლოს, ტელეფონი № 590.

<b>ბალარჯიშვილი ვ. დ.</b> შინ. და ბავშვ. ყოველ-დღე, გარდა კვირისა 2—3 ს. <b>ღამაშვილი ვ. დ.</b> : შინ. და ბავშვ. ყ. ღღეს; ყვ. გარდა 11—12 საათ.	<b>მუსხელიშვილი ვ. ს.</b> თვალის, ორშ. ოთხშ. და პარას. 2—2 <sup>1</sup> / <sub>2</sub> ს.
<b>გედევანიშვილი მ. ბ.</b> ნერ. და ელექ. ორშ., ოთხშ., და პარ. 10 <sup>1</sup> / <sub>2</sub> —11 ს.	<b>ფირაღოვი რ. ბ.</b> ქირურ. ყოველ დღე 11—12 საათ.
<b>გუბოვი ვ. ბ.</b> შინაგ. შაბ. 1—2 ს. და კვირას 11—12 ს.	<b>კავოვი ბ. ბ.</b> ყურ., ყელის და ცხვირ. ყოვ. დღე, გარდა პარას. 2—2 <sup>1</sup> / <sub>2</sub> ს.
<b>კარბინი ბ. ბ.</b> კან. და გენ., ყოველ დღე კვირას გარდა 2 <sup>1</sup> / <sub>2</sub> 3 <sup>1</sup> / <sub>2</sub> ს.	<b>რცხილაძე ნ. კ.</b> კბილ. ყოვ. დღე 9—11 საათ.
<b>მალაღაშვილი ვ. ვ.</b> შინ., სამშ. და შაბ. 10—12 ს.	<b>სოგოლავესი ვ. ვ.</b> ქირურ. ყოვ. დღე 9—11 საათამდე.
<b>მანუკაშვილი ვ. ვ.</b> შინ., ორშ., ხუთშ., და შაბ. 1—2 ს.	<b>თიქანაძე ი. მ.</b> დედაკ. საბებიო, ყოველ დღე 1—2 ს.
<b>მელიქიშვილი ნ. მ.</b> ქირურ. და დედა-ბ. ყოველ-დღე 12   1 ს.	<b>ფადლოვი ე. ვ.</b> მიკრ. ქირ.-ბაქტ. გამოკვლევა. (50—8)

**ვოგელის**

**კერძო სამკურნალო**

გარედან ყოველ დღე მისიარულად ავადმყოფთათვის.

ოგელის ქ., № 8, ს. ენფანჯიანისა, ტელეფ. 695.

**ვახაშვილი**—ყოველ დღე 9—11 ს. კბილის ავადმყოფ.

**გოგარტიანი**—ყოველ დღე, შინაგ. ბავშვ. ავად. 2—3 ს.

**ნ. დიანაშვილი**—ყოვ. დღე, 11<sup>1</sup>/<sub>2</sub>—12<sup>1</sup>/<sub>2</sub> ს. სიფილისი, კანისა და ვენერ.

**ბიურო გაგალოვისა.**

მთავრობის ნებართვით, დეორცოვის ქუჩაზედ, სარაჯიშვილის სახლში № 6 (ცხო 8) გახსნილია ბიურო საფარავ მათინისა. ყველა ენაზედ. ფასები ძლიერ ხელმისაწვდომია. საქმის სწრაფად შესრულებაზედ, სისუფთავეზედ და გრამატიკულ მართლწერაზე მიქცეულია განსაკუთრებული ყურადღება.

იქვე იწერება ყველანაირი თხოვნები, საქმის ქაღალდები. პირობის წერილები, საპეკუნო ანგარიშები, კასაციისა და აპელიაციის საჩივრები, თხოვნები უმაღლეს სახელმთავრად მისართმევად, გამოწერვ-გამოტანა გირაგობის მოწმობისა ყველა ბანკებისათვის უძრავ მამულისა.

ბიურო ღიაა ყოველ დღე დილის 9 საათიდან ვიდრე 2 საათამდე. ნაშუადღევს 3—7 საათამდე. (10—2)

**მამიშა**

**კ. არღაზიანი**

განსახლდა ავადმყოფების მიღებას.

ბავშვების და შინაგან ავადმყოფ. ადრესი: კუთხე მელიქოვის და ალექსანდროვის ქუჩა ინტენდანსტოვს პირდაპირ. 9-ე საპ. უბანში.

იღებს ავადმყოფებს დილით 9—12 საათ., საღამოთი 5—7 ს.

**ოჯახი შირაქა.**


(წერილი მესამე).

ქალიშვილები ხელოვნებისა სწავლობენ: ხატვას, ქრა-კერვას, ქსოვასა, ოქრომკედით, აბრეშუმის და ფერადი ძაფით ქარგაზე კერვას, ხალიჩების ქსოვას. ერთი სიტყვით ქალები, ცოდნისა-და გვარად, ყველაფერს ამზადებდნენ, რაც ოჯახის საჭიროება მოითხოვდა.

იმათი ძველი ნაწარმოები თვალსაჩინოა. ხელთ ნაკეთები, შეკრეფილია მუზეუმში, ყველა მნახველს ხელოვნება მათი აკვირვებს. ქალები, რიგ-რიგობით ოჯახს სადილს უმზადებდნენ სხვა-და-სხვანაირ საჭმელებს სამზარეულოში აკეთებდნენ. ოჯახობისთვის და სტუმრების დასახვედრად სხვა-და-სხვა ნა-

ირს მურაბებს, წნილებს ამზადებდნენ: ხილეულობიდან კერკს, ჩირებს ამზადებდნენ, ყურძნის ტკბილადამ ბადაგს აკეთებდნენ, კოწახური-დამ-კი ნაშარბს. კვირა-უქმე დღეს ოჯახის წევრნი წირვის და ლოცვის მოსამძენელათ ეკლესიაში მიდიოდნენ. ჯანმრთელობისათვის სეირნობდნენ და გასართობად ნათესავებს ანუ ნაცნობებს ეწვეოდნენ. ვისაც ნიქი ჰქონდა სიმღერისა, ანუ საკრავისა, იმას სთხოვდნენ ემღერა ან საკრავზე დეკრა. ვინც შვილთაგან ცუდათ მოიქცეოდა, ურჩობას გამოიჩენდა, იმას დედამა ჯერ დარიგებას აძლევდა, აფრთხილებდ, მერე-კი გაუგებარს სტუქსავდა.

ახალი ოჯახობა-კი შეირყა. ცოლ-ქმრის უთანხმოებით შვილები უწყსრიგობას ეჩვევიან, რიგინად ვეღარ იწურთენებიან, ვერ მზადდებიან ცხოვრებისათვის. დიდ-პატარაობა, უფროს-უნცროსობა, ცოლ-ქმრობა აღარა სწამთ. დედ-მამანი და ახალი თაობის შვილები, კერძო შეხედულობით, ოჯახის, საზოგადოების მიმართულებაზე და წეს-რიგის მოწყობაზე ერთმანეთს არ ეთანხმებიან. ცოტა არ იყოს მათში მამულის სიყვარულიც და ქართული ენის შე-



სწავლა შემცირდა: ზოგს კიდევ ერთი რაობა ქართველად თავი ისახელოს. შვილები ოჯახს გაუბრუნდნენ და მით წყდება მათ შორის ზნეობითი კავშირი, მკვიდრ ცოდნას ჩამორჩენენ. ამ გარემოებებში ხანდახან შვილები ოჯახს მძიმე ტვირთად უზღებენ. ოჯახში დიდი არეულობა ხდება ხოლმე, როდესაც რძალ-დედამთელი წერ ითვისებენ, ვერ მოდიან ერთმანეთში. თუ დიასახლისი თავის სიაზოვნებას, კეკლუცობას მიზღვეს, შვილებს ყურს აღარ უგდებს და თავის თავს სილამაზით მზე უნახავად სთვლის, მაშინ იმისი ქუთა-გონება ოცნებაშია გართული და ჰაერში დაფრინავს, რის გამოც ოჯახში უსიამოვნებას და შვილებისთვის ჯოჯოხეთს ბადავს. ქმარი ცოლ-შვილს შორდება, ცოლი—ქმარ-შვილებს თავს ანებებს და გადადის სხვასთან საცხოვრებლად. ყველა ამ და სხვა მიზეზებისა გამო ოჯახი ირღვევა; ოჯახს სახელი უტყდება და იღუბება. სახელ-გატეხილ ოჯახიდან ქალები მალე ვერა თხოვდებიან და თუ გათხოვდებიან ხოლმე, მოკლე ხანში ცოლ-ქმარი ერთმანეთს თავს ანებებენ. ასეთი მაგალითებით მამა-კაცი შეშინებულია, ცოლის შერთვას ერიდება, ქალები ველარ თხოვდებიან და უსაქმოებით შინ ჯდომას სწავლობენ, ან თვალები დღითიდღე ბუღარისკენ უჭირავსთ.

ი. წინამძღვრი შვილი.

**საგლეხო ბანკი**

**II.**

მამულის საკუთრად შესაქენი ფული გლეხ-კაცს შეუძლიან გამოიტანოს საგლეხო ბანკიდან.

საგლეხო ბანკი რუსეთში დიდი-

**ხატის ბრალია?**

(დასასრული \*)

**III.**

კარგა ხანია ამჩნევდნენ შაქროს, სახლში ცვლილებას. ორი კვირა სრულდებოდა, სულ აღარ ეკარებოდა ოჯახს, ორ-ორი დღის შემდეგ ბრუნდებოდა გაღვივებულ გაობრებული. ცამეტ თუმანს ნელ-ნელა აკლდებოდა, და ბოლოს ხომ, ცოლის ნივთებიც ზედ მიაცოლა, არც ცოლმა იცოდა რა და არც მშობლებმა. ეს მას შემდეგ მოხდა და დაიწყო ლოთობა, რაც ერთ ქალაქის მივარდნად დუქანში, ღონიერათ სცემეს. შაქროს ორმა მისმა ნაცნობმა ერთმა დამტყვევული დროგის პატრონმა და მეორეც მისმა ამქარმა.

— კაცო, ეს რა ოხერს გადავეციდე, ასეთ უსინდისოს. შე ოჯახს ამოსაგდებო რვა ათასი მანეთი ღირდა შენი ბუზიანი ბებრაკი ცხენი და

ხანია არსებობს, ჩვენში შემოიღეს ამ სამის წლის წინად გრაფვორონ-ცოვ-დაშკოვის წყალობით.

საგლეხო ბანკს აქვს დამტკიცებული წესდება და ვისაც უნდა ამ ბანკიდან სესხი გამოიტანოს, კარგად უნდა შეისწავლოს ეს წესდება.

მოკლედ რომ მოვჭრათ სიტყვა, აი რა წესით მოქმედობს საგლეხო ბანკი.

სესხი სხვა-და-სხვა ვადისაა. თუ გლეხი ისესხებს ფულს ბანკიდან 5 წლით და 6 თვით, მაშინ ყოველ ათ თუმანზე უნდა იხალოს წელიწადში 4 მ. 50 კ. ეს გადასახადი ორპირად უნდა მიეცეს ბანკს. ნახევარი პირველ აპრილს, ნახევარი კიდევ ორ დეკემბრისთვის. ოთხი მ. და ათი შაური სარგებებელიცაა და თავნასა სწყვეტავს, ასე რომ 55 1/2 წლის განმავლობაში სესხად აღებული ათი თუმანი სავსებით დაიღვეს.

41 წლის ვადით თუ ვისესხებთ ფულს, მაშინ ყოველ ათ თუმან ვალზე უნდა ვაძლიოთ წელიწადში 4 მ. და 9 მ კაპ. 28 წლით თუ ვივალდებთ, მაშინ ათ თუმანზე მოდის 5 მ. 80 კაპ.; 18 წლით 7 მ. და 50 კაპ., ხოლო 13 წლით 9 მ. და 25 კაპ.

უმჯობესია სესხის აღება გრძელის ვადით, რადგან სარგებელი და თავის მოსაწყვეტი ცოტაა და კაცს არ გაუჭირდება მისი შეტანა. უკეთეს ოჯახში მოქარბებული ფული აღმოჩნდება, მაშინ მოვალეს შეუძლიან ნაწილი თავნასა მოსწყვიტოს და სარგებელს გადინდის მარტო იმ ფულისას, რაც ვალად დარჩება და არა პირველად აღებული სესხისას. ესთქვათ, ვინმემ ივალა ასი თუმანი. ამის სარგებელი და თავნის მოწყვე-

დანგრეული დროგი?... იძახდა გაათრეული შაქრო და გაცხარებით არტყამდა მაგიდაზე მუშტს.

— ოჯახიც გაგიობრდეს და ცხოვრებაც. ვა, გეჩია ოხერი, არა მითხარი რომელ ლატარიოსთან დავიმტკიცე ნახევარს გაგიყოფთქო. ვა, შენ სულელი იყო, რა ჩემი საქმეა... გაგონილა, კაცი ძალათ ახდენდეს საქმეს. მითხარი დამეჯახეო დაგეჯახე, უჩივლეო უჩივლე, ფულია ავიღე და შენ მოგცე? ვა, სამსახური დავკარგეო. ესეც მე ვინაღვლო? მოდი, შენი ქირიმე შაქროჯან, რაღა, გული არ წავიხდეს ფულიები მიერთვი. ვა, ვა, ვა, თქვენკი მენაცვალეთ თქვენის სოციალისტის თავით... ქუთა გიჭირებს რაღა. ჰაი გიდი, ზაქრუა დაიმტყვერა, ცხენ-კაციანათ, მერე ფულები აიღე, შაქრუას გაუყავი. ბუზიანი ცხენიო, მამა გიცხონდა ბუზიანი, ბუზიანი იქნებ შენი ცოლი იყოს მამა ოხე...

თა ოთხი თუმანი და ხუთი მანეთია. თუ ერთის წლის შემდეგ ოც თუმანს თავნს მოეწყვეტავთ, მაშინ ოთხ თუმან, ნახევარს-კი აღარ მიეცემთ ბანკს, არამედ ნაკლებს, სულ სამ თუმანს და ოთხ მანათს, ე'ე იგი 80 თუმანს სარგებელს.

სარგებლის შეტანა დანიშნულ ვადაზე აუცილებელია, თორემ ჯარიმას გადაახდევინებს ბანკი უპირულ მოვალეს. მანათზე თვეში თითო კაპეკია ჯარიმა. ესთქვათ პირველ აპრილს შესატანი გვექონდა 120 მანეთი. ორ აპრილს რომ მივიტანო ეს ფული, ბანკი მოგვკითხავს ჯარიმას ერთი თვისას 120 კაპეკს, ან ერთ მანეთს და ერთ აბაზს. ერთი თვეც რომ დავიგვიანოთ, ესე იგი ორ მისს რომ ჩააბაროთ, ორის თვის ჯარიმას წავგვართმევინ, ესე იგი ორ მანათს და ორ აბაზს. ტყუილად რომ არ გადავყაროთ ჯარიმის ფული, საქირია, რომ მოვალემ პირიანად ასრულო ხოლმე თვისი მოვალეობა და მუდამ იმის ცდაში იყვეს, რომ ვადა არ გაიყვანოს. მუქთად, ტყუილ უბრალოდ და უსარგებლოდ ერთი გროშიც არ უნდა დავხარჯოთ.

ჯარიმა ხომ ჯარიმაა, მაგრამ ბანკმა სხვა სასტიკი ღონეც იცის. უკეთეს მოვალე არ შეიტანს ჯეროვან სარგებელს ორის ნახევარ წლის განმავლობაში, მაშინ საგლეხო ბანკი დანიშნავს ხოლმე საჯარო ვაჭრობას დავალიანებულ მოვალისას და იმას მიჰყიდის მამულს, ვინც ვალს გადაიწერავს და შეავსებს ყველა ნედამიკებს. წინანდელი პატრონი მამულისა არამც თუ ხელცარიელი დარჩება, დაეკარგება სამუდამოდ ისიც, რაც წინად უძლევი ბანკისათვის, მაგალითად სარ-

აღარ დაეთავებინა სიტყვა მედროგეს... შაქრომ ველარ მოითქინა, თოფის წამალივით იფეთქა, სკამიდან წამოიჭრა და ხელდახელ ეცა მუცლიან მედროგეს.

ხუთმეტი წამის შემდეგ, სახე დასიგბული, ნაცემი შაქრო პირქვე ეგდო იატაკზე. იქ-კი აღარავინ იყო შედუქნის მეტი... ამის შედეგი იყო შემდეგი ლოთობა.

**VI**

— გააღე, შვილო, თვალი წმიდა საიდუმლო მიიღე, იქნება ღვთით უკეთ გახდეს.— ეუბნებოდა სასაკვდილოდ გადადებულ შაქროს, ოღარ გადაკიდებული მღვდელი და პატარა კოვზით აწოდებდა საიდუმლოს. — მამაო! დილიდამ ვეუბნები და ვერ შევასმინე ამათ, ექიმს აჩვენონ. — სთქვა ახალ შემუსულმა მეზობლის ქალმა. თქვენ მაინც ურჩიეთ, იქნებ თქვენი გაიგონოს. ღმერთს გეფიცებთ, მე დაუძახებელი ექიმს, მაგრამ ჩვილი ბავშვი მყავს, და სად

გებელი, ბე, ნასყიდობას (კუპჩა) ხარჯი და სხვა. აპისათვის დიდი სიფრთხილეა საჭირო, რაკ ბანკებთან ვიჭერთ საქმეს.

როგორც ყოველი ბანკი, აგრედვე საგლეხო, ორპირი ხმალია კარგია საგლეხო ბანკი იმით, რომ იაფად გვაძლევს ფულს. აბა სად იშოვნის კაცი ასე იაფად ფულს, როგორც საგლეხო ბანკი გვაძლევს. ათ თუმანზე წელიწადში სარგებელს ვაძლევთ, თუ 55 1/2 წლის ვადით ვაძლევთ ვალს, სამ მანათსა და 75 კაპეკს, ხოლო 40 კაპ. მარტო-გამგეობას ხარჯებს დასაფარად, 35 კაპეკი თავნს სწყვეტავს. სულ გამოდის 4 მ. და 50 კ. რაც უნდა პირიანად იშოვნო ფული სოფლადა, თუ მანზე მაინც ერთი აბაზი უნდა აძლოო სარგებელი. ასეთი სარგებელი ათ თუმანზე წელიწადში დაიჭერს 24 მანათს და თავნსაც კაპეკი არ მოაკლდება.

საიტკობს სიმწარეც ახლავს. სიმწარე იმაში გამოიხატება, რომ ბანკმა დაცდა და მოთმენა არ იცის: თუ დროზე არ მოიტან სარგებელს, ჯარიმას გადაახდევინებს და თუ კიდევ დავიგვიანებ, მამულს გაგიყიდის. ალექსანდრე ყიფშიძე.

**ღონ-გაზილი.**

პატარა ტანად, გამხვრტკვალი ქუდათ თავს ჩაჩი ხურია; თხელი ტყავ-ძვალი, უღონო გულ-ფლიდი, სრულად შურია. დაუსვენარი არ სვენობს, მწვან-ყვითლობს, ღრწით „მურია“ ამხანავს ისე აწვალებს, როგორც ქრისტიანს ურია.

ერთხელა ვხედავ—კაცსა ჰგავს, ხედავ მეორედ—ფურია!...

წავიდე.— დაუმატა.

— მღვდელმა ზიარება მიალბინა, რომელიც ხრილით გადმოუვიდა პირიდან.

— შვილო, თავი დამანებეთ, განა არ ვიცი მე ჩვენი ხატის ამბავი?— შეუტია დედამ.

— არა მაინც, ექიმის მოყვანა საჭიროა.— სთქვა მღვდელმა და ოღარი მოიხსნა.

— მოიყვანეთ, უსათუოდ მოიყვანეთ. სირცხვილ-ც არის ეხლანდელ დროში უეჭომოთ მოკვდეს კაცი, ისიც ქალაქ ადგილს.

— მამაო! ვითომ ხატს ვაბრალებთ—უთხრა მოხუცმა მამამ.

— რას ამბობ კაცო, ხატის იყოს გინდ ჯვარის. ექიმი მაინც საჭიროა. თუ არ უშველის, ხომ არ ავნებს.

— თქვენ გიშველოთ ღმერთმა, თორემ ლამის საცოდაობით დავიწვეთ სთქვა ახალგაზრდა ქალმა და გავიდა.

ნახევარ საათის შემდეგ ახალი ეტ-

\*) იხილეთ „სახლხო გაზეთი“ № 8.



მისი წადილის სადგური უძირო რამე ქურია. ამბობს: „კეთილი ცხოვრება მუცლისთვის საამურია, კარგი სადილი კუჭისთვის ტკბილი რამ სალამურია!“

—  
 ცოლით სარგებლობს, როცა მას კახური ღვინო სწყურია. ოდნავ არა სწუხს, თუ საქმით მას პირი გაუმურია. სინდისის გასახსენებლად გულსა დაუხშო ყურია. თუ ეტყვი რასმე, გასახსნობს: „შენგან ეგ მხოლოდ შურია!“

—  
 ნურვინ ნუ გაიჭყუებთ, ჩემთან ვერ მოხვალთ ტილადა, ნამცქრია გოგო მე დამჩხა, დღეს მე მყავს იგი ცოლადა, ცოლი ძროხაა... და ძროხა— რად მინდა თუ არ მწველადა? ის ფულებს ჩემთვის შოულობს, არ მოქცემთ ჩასაქოლადა!

—  
 ამაოდ იბრძვი, ვერ გახდეთ ჩემი ცოლისთვის შოლადა, ათამდის კაცი მისთვის მყავს მისაყოლ-მოსაყოლადა, მათ ქომავობამ, უღონო, დღეს ისე გამოფოლადა, რო გულით გაჯავრებული პაპიროზს ვაქცე; ბოლადა!

—  
 როცა ის შემოფუტხუნებს, მე გადავიქცევი მელადა, მოულოკლუკებ, შევაქცევი, მოუქნევ ენას სველადა, მის ფეხქვეშ ვბობლავ, დავცოცავ, ქვე მძრომაღ, სწორედ გველადა, თუ ვერ დავცინტლე ფულები? ვიცეცხლებ გულის მწველადა!

—  
 ღი იღვა შაქროს კარებთან. ახალ-გაზრდა სათვალეებიანი ექიმი გულ-მოდგინეთ სინჯავდა ავათყოფს. მორჩა გასინჯვას და მიჭბრუნდა თვალტრემლიან ცოლს ექიმი.

— მსმელი კაცი იყო? — ჰკითხა.  
 — ორი კვირაა ბატონო რაც და-წყო.  
 — წინეთ არ სვამდა.  
 — არა ბატონო.  
 — ჰმ... ამ ორ კვირაში გამუდმე-ბით სვამდა?  
 — ერთი დღე არ ყოფილა ფხი-შლი...

— ჰმ... ეს მითხარით... დარდი-რამე შეხვდა ამ ხანებში?..  
 — არ ვიცი ბატონო... სამსახუ-რდანი დაითხოვეს და...  
 — ჰოო... სად მსახურობდა.  
 — ვათმანათ გახლდათ, შენ გე-ტყვალე, კონკაზე... დაასწრო დე-ბამთილმა რძალს. ექიმს გაელიმა.  
 — მაშ თქვენ ამბობთ ორი კვი-რა რაც სვამდა?

მყის გადავიქცევი „ოტელოდ“, ვფიცავ: გაუზღე მცველადა! ვაშინებ: ყველგან მოგყვები მთად, ბარად, მინდვრად, ველადა! თავს ვიხრჩობ, სახეს ვიკაწრავ, ვესაუბრები ცხელადა, ვკოცნი და ვტყულობნი იმავე დროს და ფულს დავტყუებ ხელადა.

—  
 ედემობს ჩვენი ცხოვრება, მიქანავს ტკბილი ნელადა, მქყივანს ვინც მნახავს, სულელობს რომ მორბის გასაშველადა; ის ჰფიქრობს სრულად გავგიჟდი, რომ გავარდება ველადა; და შევიქნები უთუოდ ჩემს დამრჩენ ცოლის მკვლელადა!

—  
 ნურვინ ნუ გაიჭყუებთ, ჩემთან ვერ მოვა ტოლადა, ნამცქრია გოგო მე დამჩხა, დღეს მე მყავს იგი ცოლადა. ცოლი ძროხაა, მეცა მყავს ის მუდამ მოსაწველადა, ფულებსაც ჩემთვის შოულობს, არ მოგცემთ ჩასაქოლადა.

ა. ყაზბეგი.

**კაცთმოყვარე მილიონერი.**

ვის არ გაუგია იტალიაში სახელი განსაგებულ ვაქარ ლორიასი, იტა-ლიელ ურიისა, რომელმაც მთელი თავისი ქონება ხალხის კეთილ დღე-ობას, საქველ-მოქმედო დაწესებუ-ლებას შესწირა. არ გვეგონოთ, მკი-თხველო, რომ მან გაჭირვებულთ მოწყალება დაურიგა,—არა, ოთხი მილიონი მანეთი მოახმარა ისეთ და-წესებულებათა დაარსებას ქალაქ მილანში რომელნიც უმუშევართა საქმეს აღმოუჩენდნენ, მისცემდნენ მათ მუდმივ წყაროს ცხოვრებისას. უმუშევართა მდგომარეობის შესა-

კიდევ ცოლს მიუბრუნდა ექიმი.  
 — დიად ბატონო...  
 ექიმმა კიდევ გასინჯა და ბოლოს თავი გადაქნია.

— რას იტყვი? — დაასწრო მღვდელმა.  
 — სმისგან კუჭი აქვს დამწვარი, უთუოდ არაყს სსვამდა და ისიც უჩვევი. ამასთან კიდევ „ნერვნიე პრიპადკი“ რადგან ძარღვები ძლიერ აქვს დაშლილი მღვდლვარებით. ტვი-ნის ჯვრედებიც შერყეული აქვს.  
 — არა ეშველება? — ჰკითხა მღვდელ-მა.

— არ ვიცი? ჩქარა ანთებაც გაუ-ჩნდება. მაინც წავიყვანოთ საავათ-მყოფოში და, თუ რამე ეშველება იქ...—სთქვა ექიმმა და ქუდს მოკი-და ხელი. ათის წუთის შემდეგ ნა-ძალადევი დასცდა ეტლი რომელშიაც იჯდა ექიმი, ორი ვილაცა და მამა-კვდავი შაქრო მიჰყავდათ საბანში გახვეული.

მ. გარიყული.

სწავლად გახსნა კანტორა, რომელიც იძიებს, რამდენი და რა ჯურის უმუ-შევარნი არიან ამა თუ იმ ქალაქში. სასარგებლო ცნობების მისაწვდე-ნად მეორე კანტორა იძიებს, რა პირობებში იმყოფებიან მშრომელნი სამშობლოში და საზღვარ გარეთ.

სამუშაოს საშოვნელად ორი სხვა კანტორა უშამდგომლობას უწევს უმუშევართა და საქმის მიმცემთა შორის.

სასოფლო მეურნეობის მუშათა დასა-ხმარებლად ცალკე კანტორა ცნო-ბებს აგროვეებს, სად და რამდენი მუ-შა ხელია საქირო.

ამის გარდა მან დაარსა სკოლა რამდენიმე განყოფილებით, სადაც მუშება სწავლობენ ხაზვა-ხატვას, სტამბის საქმეს, ქრა-კერვას და სხ. მეწაღეებისათვის გახსნა სახელოსნო მანქანებით, სასადილოთი და სამკი-თხველოთი. ამხანაგობათა დასაარსე-ბლად, რომელთაც კოოპერაცია ეწოდება, კოოპერაციული ბანკი გა-ხსნა.

უმუშევართა დასახმარებლად ცა-ლკე კასა მიუჩინა, თანაც სამუშაო სახლი ააშენა მილანში და კარგი მოზრდილი მიწა იყიდა მილანის ახ-ლო.

იმავე მიზნით 1000 სადგომი ააშე-ნა და დაკლებული ფასით მიაქირავეა მშრომელს ხალხს, მოაწყო შიგ აბა-ნო, სასარეცხო, წიგნთ-საცავით, ლექციების დარბაზი, სასეირნო ბაღი

ყველა ეს დაწესებულება გადასცა ცალკე საზოგადოებას, რომელსაც „ჰუმანიტარია“ ანუ კაცთ-მოყვარე საზოგადოება ეწოდება. „ჰუმანიტა-რია“, გარდა უმუშევართა დახმარე-ბისა, არა რაიმე პოლიტიკურ მიზანს არ ემსახურება, ამიტომ ამ დაწესე-ბულებაში ყველა პარტიის წევრი უსასყიდლოდ სიამოვნებით მუშაო-ბენ და ამით ხელს უწყობენ მის მო-ქმედების გაფართოებას.

**კორნელოვანი**

**ს. დგვრიანი** (გორის მაზრა). სწო-რედ რომ უბედურ საათზეა დაბა-დებული ჩვენი გლეხი. მთელ თავის სიცოცხლეში მას ერთი ტკბილი დღე არ უნახავს, როდესაც შესძლე-ბოდა ეთქვა—მეც აღამიანი ვარ... იგი შრომობს, შრომობს უზომოდ, შრომობს დღე და ღამ, ზამთარ-ზა-ფხულ, გამუდმებით ჩაჰკარკიტებს მიწას, თვ-ს მარჩენალს, უნაყოფოს ნაყოფს აღებინებს, უწყლოს წყალს უჩენს, თვის დაკოჭიებულ ხელე-ბით იღებს იქილგან ლუკმა პურს და აწვდის თვის კისერზე მჯდომ სისხ-ლის მწოველებს, მუქთა ხორებს, თვითონ-კი კუჭი მუდამ ცარიელი აქვს, ბაღნები მუდამ შიშველ-ტიტ-ველი ჰყავს. უმეცრება, ცრუ-მორ-წმუნოება, მამა-პაპური მავნე აღათ-

წესები მთლიან მიწასთან ახსრობენ მას. გულშემატკივარი-კი არაინა სჩანს, რომ იგი სწორედ გზაზე დაა-ყენოს, თვის ღირსება შეაგნებინოს. ს. დგვრისში ჩემი ყურადღება მი-იპყრო ერთმა ჩვენი გლეხის ცხოვ-რებაში არა ჩვეულებრივმა მოვლე-ნამ: სამშაბათობით და პარასკეობით გლეხები არ მუშაობდნენ. ვკითხე მიზეზი. მიზეზი შემდეგი აღმოჩნდა: ერთ ბერიკაცს დაერწმუნებინა იგი-ნი—მე სიზმარში წმ. გიორგი გამო-მეცხადა და მითხრა—მე ღმერთმა დამაბარა თქვენთან—არ იმუშავოთ სამშაბათობით და პარასკეობით, და მით მოიწანიეთ ამ სამ ოთხ წლებში ჩადენილი ცოდვები, თორემ უარეს დღეს დაგაყენებო. დაფაცურდნენ გლეხები. არიქა, ღმერთი გვირიგ-დებოდა და რაკი საშინელი გვაღვა იყო, გამოიტანეს ხატები, დროშე-ბი ეკლესიიდან, გაიყოლიეს წინ მღვდელი და მთელი მინდვრები შე-მოიარეს. ალაგ-ალაგ პარაკლისებს იხდიდნენ და ღმერთს წვიმას სთხო-ვდნენ—ამით დაგვიმტკიცებ, რომ არ გვლუპავო. წვიმა მართლა მოვი-და. გლეხის სიხარულს საზღვარი არა ჰქონდა. დაადგინეს ჯერ-ჯერო-ბით იუქმონ სამშაბათი და პარასკე-ვი. უქმობენ კიდევ. საქიროა ცხინ-ვალელ ინტელიგენტებმა, თუ მათ შორის მოიპოვებიან გულ-შემატკი-ვარნი, მიაქციონ ამის დიდი ყურა-დღება, ჩააგონონ რომ ხსნა სილატა-კე—უმეცრებისაგან სულ სხვა გზით უნდა ეძიონ. თორემ მერმის კიდევ ვინმე ურჩევს—არ იმუშაონ ორშა-ბათს და შაბათს, იქით მერმის—ოთხ-შაბათს და ხუთშაბათს და ნეტავი-ლა ჩვენ გლეხს. უიმისოდაც რა არის მისი შრომის ნაყოფი და, რომ არ იმუშავენს, მაშინ რაღა იქნება. წელს ყველაფრის მოსავალი წახდა, გვალ-ვის გამო ჰირხახულმა ტანი ვერ შე-ჰყარა. მომეტებულმა ნაწილმა ხე-ლით მოგლიჯა იგი. გული მოგი-კვდებოდა, მკითხველო, რომ დაგე-ნახა, როგორ გლეჯდნენ ქერს 3—4 წლის ბავშვებიც-კი, ხშირათ ხე-ლებიდან ხისხლი სდიოდათ, მაგრამ რა ექნათ: მათი საზრდო ეს იყო და რომ არ მოეგლიჯათ არ იქნე-ბოდა.

ოჰ, უბედურო გლეხ-კაცო, რო-დის მოეღება ბოლო შენს ტანჯვას, შენს უმეცრებას, შენს ღუბჭირ ცხოვრებას...

ს. გველიშვილი.

**საყურადღებო დაკეუბის შინაარსი.**

გაზეთებიდან.  
**თავრიზი.** სათარ-ხანს თავრიზში ჩამოსვლისთანავე ცხარე ლაპარაკი მოუვიდა გენერალ-გუბერნატორ-თან. სათარ-ხანი გენერალ-გუბერ-



ნატორს ჰკიცხავდა, არდებილში განგებ დამიგე მახეო და დაემუქრა გადაგაყენებო. ქალაქში აშკარად ლაპარაკობენ, სათარ-ხანი აღრებილ-ში ყოფნას დროს ხალხსა სცარ-ცვამდაო.

შაჰსეფანები სერაბს მიუახლოვ-დნენ.

**ასტარა.** არდებილში შაჰსეფანე-ბი და ყარაღაღელები ცარცვა-გლე-ჯას განაგდობენ. გაცარცვენ ზოგი-ერთ რუს ქვეშევრდომების სახლები. რუს მოვაჭრეების მამაახლ სის სა-დგომს რუს ქვეშევრდომების გარდა 2,000 მოქალაქემ შეაფარა თავი. მომთაბარე თემების მეთაურებმა ყო-რანზე დაიფიცეს, ერთად ვიმოქმე-დებთ და რახიმ-ხანს არ ვუღალა-ტებთო. შაჰსეფანები და ყარაღა-ღელები ქალაქს ამაგრებენ იმ შემ-თხვევისთვის, თუ სპარსეთისმთავრო-ბის ჯარი ჩამოვიდა. რუსეთის სა-კონსულოს ყაზახები იცავენ. შაჰს-სეფანებს და ყარაღაღელებს ჯერ-ჯერობით საკონსულოსთვის ხელი არ უხლიათ.

**პეტერბურგი.** ორი დღე-ღამის განმავლობაში ავად გახდა 14, გადა-იცვალა 8, ავად არის 184 კაცი.

**პეტერბურგი.** უკანასკნელ კვირის განმავლობაში ავად გახდა: არხანგე-ლის გუბერნიაში 5, ბალახნაში 5, გროდნის მაზრაში 3, ეკატერინოს-ლავის გუბერნიაში 15, კოსტრამა-ში 11, ნოვოგოროდის გუბერნია-ში 4, კრემენჩუგში 1, ჩერნიეჟში 3, პერმის გუბერნიაში 2, პონევევში 2, ნიკოლაევის მაზრაში 1, ასტრა-ხანში 11 კაცი. გარდაიცვალა: არ-ხანგელის გუბერნიაში 1, ბალახნა-ში 5, გროდნოს მაზრაში 2, ეკა-ტერინოსლავის გუბერნიაში 8, ჩერ-ნიაეჟში 2, პონევევში 2, ასტრა-ხანში 6 კაცი.

**ნიჟნი ნოვოგოროდი.** კოვარირ-ში დაიწვა ორი სახლი. მეორე დღეს სახლების ნანგრევში იპოვეს ორი ქალი და ექვსი ბავშვის გვამი. ამას გარდა დაწვდა სამი კაცი.

**მოსკოვი.** დიდის ამბით გაიხსნა საზოგადოება „რუსეთის ერების ერ-თობა“. საზოგადოების წევრებ დ ყველა ერის წარმომადგენლები აირ-ჩიეს.

### ახალი ამბები

➔ მომავალ კვირას არტისტიულ საზოგადოების დარბაზში წაიკითხა-ვენ ლექციებს ერობაზე ბატ. ხატი. სოვი, გოგინაიშვილი დამილიუტინი-უკანასკნელი მომხსენებელი, სხვა-თა შორის, შეეხება წლევეანდელ ოქ-ტომბრისტა მოსკოვის კრებას და ამ კრებაზე მიღებულ დადგენი-

ლებათა განმარტებას. ლექციები საინტერესო უნდა იყოს და, იმე-დია, ბევრ საზოგადოებასაც მიიზი-დავს, რადგან საქველ-მოქმედო მიზ-ნით იმართება.

➔ 27 ოქტომბერს ტფილისის საოლქო სასამართლომ გაარჩია საქმე „რუსი ს.-კავკასას“ რედაქტორისა, რომელსაც ავლაბრის პროვინციის ინსპექტორი იაკობ ლულაძე ამტყუ-ნებდა ცილის წამებაში. სასამართლომ რედაქტორ პისემსკის ერთის თვით ციხე გადუწყვიტა.

➔ 27 ოქტომბერს წ. კ. საზოგადოე-ბის მიერ გამართულმა ილიას საღამომ დიდ-ძალი საზოგადოება მიიზიდა ქა-რთულ თეატრში. პირველ განყოფი-ლებაში გრ. რობაქიძემ მეტად საინ-ტერესო ლექცია წაიკითხა „განდე-გილზე“. მეორე განყოფილებაში მშვენიერის სიმღერით დაატყვე-სა საზოგადოება ვანო სარაჯიშვილმა, ნ. გაბუნია-ცაგარლისამ და ს. ბარათა-შვილმა. მესამე განყოფილებაში რა-მდენიმე ცოცხალი სურათი დადგმუ-ლიქმნა ილია ქავჭავაძის სხვა და სხვა თხზულებიდან.

➔ „ტიფ. ლის.“-ში დაბეჭდი-ლია სია იმ მამულებისა, რომელიც სომეხთა ემიგრაციის მონასტერს ეკუ-თვნის. როგორც ამ სიიდანა სჩანს, ემიგრაციის სხვა-და-სხვა ადგილას ჰქონია 129,050 დესეტინა მიწა.

➔ საქართველოს საისტორიო და საეთნოგრაფიო საზოგადოებას საბ-ქომ მიიღო შემდეგი შემოწირულე-ბანი: ბ-ნ ივ. ალ. ზედგინიძისაგან: ექვსი სპილენძის ფული (ამათ შორის სამი ქართული) და ორი თიხის მო-რჩილი დოქი: ბ-ნ ზ. აბდუშელი-შვილისაგან: ხელნაწერი „ყარამა-ნიანი“, ხელნაწერი „ბარამიანი“ და მასთან „კორნილიუს“ ტაციტის წელთწერა“ და ერთი კიდევ სასა-ნიური ვერცხლის ფული. პოლკოვ-ნიკ დ. ივ. ამილახვარის და იმის მეთულის ან. რ. ასულისაგან: 1709 წელს დაბეჭდილი ხუცური სახარე-ბა, ხელნაწერი „როსტომიანი“, ნა-წილი „სიბრძნე სიცრუისა“ და „თიმ-სარიანას“, ნაწილი „ვისრამიანისა“ და მეკობრეთა შუამავალი რუსული-დამ თარგმნილი (ნაწყვეტი).

➔ ნაძალადევიში 26 ოქტომბერს დაპატიმრეს ათამდე უპასპორტო კაცი.

➔ ამ დღეებში მიემგზავრება პ. ი. თუმანიშვილი პეტერბურგს იშუა-მდგომლოს მთავრობის წინაშე, რომ კახეთის რკინის გზის ვიწრო ლიან-დაგის მაგიერ, რომელიც ჯდება 9 მილიონი, შეცვლილ იქმნეს განიერ ლიანდაგათ, რომელიც არ უნდა და-ჯდეს 12 მილიონზე მეტი. როგორც გამოანგარიშებულია 11 მილიონზე მეტი დაჯდებაო.

➔ გუშინ როსტოვიდამ ჩამოვი-და ფოსტის ტრაქტის მოიჯარადრე ელიგაროვი, რომელიც დაქერილი იყო არეულობის დროს და ეხლა-გაუნთავისუფლებიათ.

➔ „კასპი“-ს სიტყვით, ბათუმში უკვე ჩამოუხვრჩიათ ექიმ ტრიანდა-ფილდისის მკვლევები. რამიშვილი, დოლიძე, ცინცაძე და ჟღენტი.

➔ „კავკასი“-ს სიტყვით, ხელ-მწიფე იმპერატორს სურამში ცეც-ხლისაგან დაზარალებულთათვის სა-სარგებლოთ ხუთასი თუმანი შეუწი-რავს.

➔ სააგენტოს სიტყვით, უკანას-კნელ კვირის განმავლობაში ბაქოში ხოლერით ავად გამხდარა 8, გარ-დაცვლილა 1 კაცი.

➔ სოფ. მარტყოფში ამ დღეებ-ში, ტფილისის მაზრის უფროსის შანშიევის თანადსწრებით გლეხე-ბმა გადასწყვიტეს, ადგილობრივ სა დედელოეის ყოველმა კომლმა დრამის მაგივრად 3 მანეთი და ათი შაური აძლიოს. ამ ფულს სოფლე-ლები ხაზინაში შეიტანენ. გადა-წყვეტილია ამის გარდა სამდედლოე-ბას ღვთისმსახურებისთვის აღარაფე-რი მისცენ.

### ფარგველთა ბირჟა.

გუშინ სალდათის ბაზარში სამუშაოს საშოვნელად

გამოვიდნენ: იშოვნეს:		
მუშა	294	52
დურგალი	7	4
კალატოზი	19	10
მომკირწყლავი	26	9
მეფესტე	10	8
მხატვარი	11	7
მებუხრე	7	2
იატაკის გამწმენდი	6	—

### ა ლ მ ე ზ ა .

ა ლ მ ე ზ ა სულ, ერთ წუთში სპობს კბრის ტკივილს, აგრეთვე კარგავს პირის სიმკრალეს, და აჩერებს სისხლის დენასა. ამაგრებს კბილებს, ზრდის წონებსა. აუცილებელი საჭიროა ყოველს ოჯახში და მოგზაურობის დროს. ფასი ნორმალუ-რი ფლაკონისა 1 მ. 20 კ. საცთელი. ფლაკ. 40 კ.

### თმის საშეაღება პრიმა.

პრიმა აჩერებს თმის ცვენასა, სპობს უცბათ თავის ქერტლსა. აგრეთვე თმა იღებება შემდეგ რამოდენიმე ხმარებისა. ფასი ფლაკ. 1 მ. 20 კ.

საუურბადლებოთ ციებ-ცხელებით ავადმყოფებისათვის.

ჩვენი ციების წამალი სპობს სულ მოკლე დროში ძველს და ახალს ციებ-ცხე-ლებასა ფასი 1 მ. 50 კ. დარიგება ყველას თან ახლავს. ვგზავნი ფას დადებით. საჭიროა ბე ერთი მესამედი-კანტორა და სკლადი თფილისი ქუჩა ნეკრასოვისა № 14 ვორონცოვის. ტ. ძეგლის მახლობლათ.

წარმომადგენელი მთელი კავკასიისა ი. ახობაძე. Кантора и складъ „Т“. Тифлисъ Некрасовская улица № 14 И. Ахобадзе.